

條所在附貫云耳。下條稱經官司申牒除附耳。古記云問並於所在附貫若為附姓答舊主姓部附耳問家人奴婢或本母是良或本父是良未知欲從父母姓聽不答欲還本生父母家亦為本屬任意合附注聽之。

〔續日本紀九元正〕養老七年十二月丁酉放官婢花從良賜高市姓。

〔續日本紀十四聖武〕天平十四年二月戊寅免中宮職奴廣庭賜大養德忌寸姓。

〔續日本紀十五聖武〕天平十五年九月己酉免官奴斐太從良賜大友史姓斐太始以大坂沙治玉石之人也。

〔續日本紀二十五淳仁〕天平寶字八年七月丁未先是從二位文室真人淨三等奏曰伏奉去年十二月十日勅紀寺奴益人等訴云紀袁祁臣之女粳賣嫁本國水高評人內原直牟羅生兒身賣狛賣二人蒙急則

臣處分居住寺家造工等食後至庚寅四年持統編戶之歲三綱校數各為奴婢因斯久時告愬分雪無由

空歷多年于今屈滯幸屬天朝照臨宇內披陳鬱結伏望正名者為賤為良有因有果浮沈任理其報必

應宜存此情子細推勘浮沈所適剖判申聞者謹奉嚴勅搜古記文有僧綱所庚午九年天智籍書寺賤名

中有奴太者并女粳賣及粳賣兒身賣狛賣就中異腹奴婢皆顯入由太者并兒入由不見或曰戶令曰

凡戶籍恒留五比其遠年者依次除但近江大津宮智天庚午年籍不除蓋為氏姓之根本遏姦欺之亂

真歟據此而言猶為寺賤或曰賞疑從重刑疑從輕典冊明文何其不取因斯覆審或可從浮雙疑聳立

各自爭長淨三等庸愚心迷孰是輕陳管見伏聽天裁奉勅依後判於是益麻呂等十二人賜姓紀朝臣

真玉女等五十九人內原直即益麻呂為戶頭編附京戶而紀朝臣伊保等猶疑非勅至是召御史大

夫從二位文室真人淨三參議仁部卿從四位下藤原惠美朝臣朝瀨入於禁內高野天皇孝口勅曰

前者卿等勘定而奏依庚午籍勘者可從沈是一理也又檢紀寺遠年資財帳異腹奴婢皆顯入由粳賣

一腹不見入由據此而言或可從浮是亦一理也罪疑就輕先聖所傳是以從輕之狀報宣已訖而紀朝

臣等猶疑非勅不肯信受故今召御史大夫文室真人面告其旨復召朝瀨副令相聽戊申遣使宣詔